

Broj: 7752-10/19

Datum: 18.09.2019. godine

Na osnovu člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 10. Pravilnika o postupku dodjele ugovora o uslugama iz Aneksa II, Dio B. Zakona o javnim nabavkama („Službeni glasnik BiH“ broj 66/16), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj: 7752-8/19 od 17.09.2019. godine, u postupku javne nabavke usluga – **Advokatske usluge**, direktor Javne ustanove Opća bolnica „Prim. dr. Abdulah Nakaš“, je donio

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za nabavku, broj: 7752-8/19 od 17.09.2019. godine i Ugovor za javnu nabavku usluga – Advokatske usluge, dodjeljuje se ponuđaču Advokat Amela Filipović, ponuda br. 34/2019, dostavljena dana 05.09.2019. godine, za ponudenu cijenu od 17.500,00 KM, kao najpovoljnijem ponuđaču.

Ponuđač nije u sistemu PDV-a.

Član 2.

Izabrani ponuđač se obavezuje da dostavi originale ili ovjerene kopije dokumentacije iz člana 45. Zakona o javnim nabavkama u roku od 2 (dva) dana od dana prijema Odluke o izboru najpovoljnijeg ponuđača na Protokol Opće bolnice.

Član 3.

Prijedlog Ugovora o nabavci dostaviće se na potpis izabranom ponuđaču nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 4.

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

Član 5.

Ova Odluka stupa na snagu danom donošenja, i dostavlja se svim ponuđačima koji su učestvovali i postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 7752-2/19 od 13.08.2019. godine.

Javna nabavka je sprovedena na osnovu Pravilnika o postupku dodjele ugovora o uslugama iz Aneksa II. Dio B. Zakona o javnim nabavkama.

Procijenjena vrijednost javne nabavke bez PDV-a je 25.000,00 KM.

Poziv za dostavu ponuda je objavljen na Portalu Opće bolnice dana 14.08.2019. godine.

Komisija za nabavku, imenovana je Rješenjem broj: 7752-3/19 od 13.08.2019. godine.

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: 7752-7/19 od 17.09.2019. godine, Preporuku o izboru najpovoljnijeg ponuđača broj: 7752-8/19 od 17.09.2019. godine i Izvještaj o radu broj: 7752-9/19 od 18.09.2019. godine, u postupku javne nabavke usluga: **Advokatske usluge.**

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno 5 ponuda,
- da je blagovremeno primljeno 5 ponuda,
- da nije bilo neblagovremenih ponuda,
- da su ponude ponuđača **Advokata Jadranke Jerlagić, Advokata Rusmire Brkić - Čerkez, Advokata Maka Radičića i Advokata Amele Filipović** kvalifikovane i prihvatljive, dostavljeni su svi traženi dokazi propisani tenderskom dokumentacijom, na propisan način,
- da ponuda ponuđača **Advokata Ismeta Mehića** nije kvalifikovana i nije prihvatljiva iz sljedećih razloga:

Ponuđač **Advokat Ismet Mehić** u svojoj ponudi za predmetnu nabavku nije dostavio dokumentaciju kako slijedi:

1. Izjavu o dostavi garancije za uredno izvršenje ugovora koja je zahtjevana u odjeljku OSTALI PODACI u tački 1) na strani 7. Poziva za dostavu ponude
2. Izjavu ponuđača o prihvatanju sadržaja, zahtjeva i odredbi tenderske dokumentacije u cijelosti, bez rezervi ili ograničenja koja je zahtjevana u tački 9.2 Ostali dokazi na strani 4. Poziva za dostavu ponude
3. Pismenu Izjavu iz člana 52. Zakona o javnim nabavkama koja je data kao Aneks 4. na strani 14. Poziva za dostavu ponude
4. Uvjerenje/potvrdu o upisu advokata kod nadležne advokatske komore koja je zahtjevana u tački 9.2 Ostali dokazi na strani 4. Poziva za dostavu ponude

5. Mjesečni paušal i ukupnu cijenu ponude ovjerenu od strane ponuđača koja je zahtjevana u tački 9.2 Ostali dokazi na strani 4. Poziva za dostavu ponude
6. Izjavu ponuđača o uslovima i načinu plaćanja ponuđača koja je zahtjevana u tački 9.2. Ostali dokazi na strani 4. Poziva za dostavu ponude
7. Izjavu o prihvatanju roka važenja ponude – 90 dana koja je zahtjevana u tački 11. Period važenja ponuda na strani 5. Poziva za dostavu ponude
8. Nacrt ugovora koji je dat kao Anex 6. na stranama od 17. do 22. Poziva za dostavu ponude
9. Nacrt okvirnog sporazuma koji je dat kao Anex 7. na stranama od 24. do 26. Poziva za dostavu ponude
10. Obrazac za povjerljive informacije koji je dat kao Anex. 5 na strani 16. Poziva za dostavu ponude
11. Navedeni ponuđač u svojoj ponudi za predmetnu nabavku dostavio je Izjavu iz člana 45. Zakona o javnim nabavkama, koja nije ovjerena od strane nadležnog organa.
12. Navedeni ponuđač svoju ponudu dostavio je neupakovanu (ponuda dostavljena bez koverte/omotnice) što je konstatovano i u Zapisniku o otvaranju ponuda od 05.09.2019. godine.

Zbog svega gore navedenog ponuda ponuđača **Advokata Ismeta Mehića** se u skladu sa članom 68. stav 4. tačka i). Zakona o javnim nabavkama („Službeni glasnik BiH“ broj 39/14) odbacuje jer ponuda nije potpuna i ne ispunjava zahtjeve iz poziva za dostavu ponuda.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Poziva za dostavu ponuda.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Pozivom za dostavu ponuda. Uvidom u priloženu dokumentaciju, nesporno je da je izabrani ponuđač **Advokat Amela Filipović** najbolje ocijenjena zbog:

najniže cijene kako slijedi:

Redni broj	Naziv nabavke	Naziv/ime ponuđača	Ukupna cijena ponude bez PDV-a
1.	Advokatske usluge	Advokat Amela Filipović	17.500,00 KM
2.	Advokatske usluge	Advokat Mak Radičić	20.175,00 KM
3.	Advokatske usluge	Advokat Jadranka Jerlagić	21.600,00 KM
4.	Advokatske usluge	Advokat Rusmira Brkić – Čerkez	23.400,00 KM

Izabrani ponuđač je izabran primjenjujući kriterij najniže cijene, čime je utvrđen i njihov sukcesivni red.

Iz navedenih razloga, primjenom člana 64. stav 1. tačka a) Zakona o javnim nabavkama, člana 70. stavovi 1., 3. i 6. Zakona o javnim nabavkama („Sl. glasnik BiH“ broj: 39/14), člana 10. Pravilnika o postupku dodjele ugovora o uslugama iz Aneksa II, Dio B. Zakona o javnim nabavkama („Službeni glasnik BiH“ broj 66/16), člana 8. stav 2. tačke d) i f) Pravilnika o uspostavljanju i radu Komisije za nabavke („Sl. glasnik BiH“ broj: 103/14) i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.

Žalba se podnosi u najmanje 3 (tri) primjerka.



DIREKTOR

Prim. dr. Zlatko Kravić

Dostaviti:

- Ponuđaču: Advokat Amela Filipović
- Ponuđaču: Advokat Mak Radičić
- Ponuđaču: Advokat Jadranka Jerlagić
- Ponuđaču: Advokat Rusmira Brkić Čerkez
- Ponuđaču: Ismet Mehić
- Odjeljenje za pravne, kadrovske i opće poslove
- Odjeljenje za ekonomsko-finansijske poslove
- Komisiji za javne nabavke
- a/a

AT